

ব্যাংকিং প্রবিধি ও নীতি বিভাগ
বাংলাদেশ ব্যাংক
প্রধান কার্যালয়
ঢাকা।

বিআরপিডি সার্কুলার নং-১২

২৭ জ্যৈষ্ঠ ১৪২৭

তারিখ: -----

১০ জুন ২০২০

ব্যবস্থাপনা পরিচালক/ প্রধান নির্বাহী
বাংলাদেশে কার্যরত সকল তফসিলি ব্যাংক।

প্রিয় মহোদয়,

নভেল করোনা ভাইরাস (COVID-19) এর প্রাদুর্ভাবের কারণে সৃষ্ট ব্যবসায়িক পরিস্থিতি বিবেচনায়
ব্যাংক ঋণ/বিনিয়োগের উপর আরোপিত সুদ/মুনাফা সুদবিহীন ব্লকড হিসাবে স্থানান্তর প্রসঙ্গে।

শিরোনামোক্ত বিষয়ে ০৩ মে ২০২০ তারিখে জারিকৃত বিআরপিডি সার্কুলার নং-১১ এবং ০৪ মে ২০২০ তারিখে জারিকৃত বিআরপিডি সার্কুলার লেটার নং-২৩ এর প্রতি আপনাদের দৃষ্টি আকর্ষণ করা যাচ্ছে।

২। নভেল করোনা ভাইরাসের কারণে সৃষ্ট পরিস্থিতি বিবেচনায় উক্ত সার্কুলারের মাধ্যমে ৩১ মার্চ ২০২০ তারিখ ভিত্তিক গ্রাহক পর্যায়ে ঋণ/বিনিয়োগ স্থিতির উপর ০১ এপ্রিল ২০২০ তারিখ হতে ৩১ মে ২০২০ তারিখ পর্যন্ত সময়ে আরোপিত সুদ/মুনাফা সুদবিহীন ব্লকড হিসাবে স্থানান্তর করার নির্দেশনা প্রদান করা হয়। তাছাড়া, পরবর্তী নির্দেশনা না দেয়া পর্যন্ত ব্লকড হিসাবে স্থানান্তরিত সুদ/মুনাফা সংশ্লিষ্ট ঋণ/বিনিয়োগ গ্রহিতার নিকট হতে আদায় করা যাবে না এবং এরূপ সুদ/মুনাফা ব্যাংকের আয়খাতে স্থানান্তর করা যাবে না মর্মেও নির্দেশনা প্রদান করা হয়।

৩। এক্ষণে, উল্লিখিত নির্দেশনা অনুযায়ী সুদবিহীন ব্লকড হিসাবে রক্ষিত সুদ/মুনাফা ব্যাংকের আয়খাতে স্থানান্তরসহ আদায়ের ক্ষেত্রে নিম্নবর্ণিত নীতিমালা অনুসরণ করার জন্য আপনাদেরকে নির্দেশনা প্রদান করা যাচ্ছেঃ

(ক) অত্র সার্কুলার এর অনুলেখ নং-৩(ট) এ বর্ণিত ঋণ/বিনিয়োগ ব্যতীত ৩১ মার্চ ২০২০ তারিখ ভিত্তিক অন্যান্য সকল অশ্রেণিকৃত ঋণ/বিনিয়োগের উপর নিম্নবর্ণিত হারে সুদ/মুনাফা মওকুফ করতে হবে :

গ্রাহক পর্যায়ে ঋণ/বিনিয়োগ স্থিতি (৩১ মার্চ ২০২০ তারিখ ভিত্তিক)	মওকুফের পরিমাণ/হার (এপ্রিল ও মে ২০২০ মাসের জন্য)
১.০০ (এক) লক্ষ টাকা পর্যন্ত	সম্পূর্ণ সুদ মওকুফ (বিআরপিডি সার্কুলার নং-০৩/২০২০ অনুযায়ী ক্রেডিট কার্ড ব্যতীত অশ্রেণিকৃত ঋণের সুদ/মুনাফা হার সর্বোচ্চ ৯%)
১.০০ (এক) লক্ষ টাকার অধিক কিন্তু ১০.০০ (দশ) লক্ষ টাকা পর্যন্ত	বার্ষিক ২% হারে।
১০.০০ (দশ) লক্ষ টাকার অধিক	বার্ষিক ১% হারে তবে গ্রাহক প্রতি সর্বোচ্চ ১২.০০ (বার) লক্ষ টাকা পর্যন্ত

(খ) মওকুফকৃত সুদ/মুনাফা সরকার হতে ভর্তুকি হিসেবে ব্যাংকসমূহ প্রাপ্য হবে। তবে, সুদ/মুনাফা ভর্তুকি প্রাপ্যতার ক্ষেত্রে বিআরপিডি সার্কুলার নং-০৩/২০২০ এর নির্দেশনা অনুযায়ী ০১ এপ্রিল ২০২০ তারিখ হতে ক্রেডিট কার্ড ব্যতীত অন্যান্য সকল অশ্রেণিকৃত ঋণ/বিনিয়োগের উপর সুদ/মুনাফার হার সর্বোচ্চ ৯% কার্যকর নিশ্চিত করতে হবে।

(গ) সকল প্রকার অশ্রেণিকৃত ঋণ/বিনিয়োগের উপর এপ্রিল ও মে ২০২০ মাসে আরোপিত সুদ/মুনাফা বিদ্যমান নীতিমালা অনুযায়ী আয়খাতে স্থানান্তর করা যাবে।

পূর্ব পৃষ্ঠার পর

(ঘ) ব্লকড হিসাবে স্থানান্তরিত মওকুফ অবশিষ্ট সুদ/মুনাফা জুলাই ২০২০ হতে জুন ২০২১ সময়ে মাসিক সমকিস্তিতে/গ্রাহকের নগদ প্রবাহ বিবেচনায় ব্যাংকার-গ্রাহক সম্পর্কের ভিত্তিতে আদায়যোগ্য হবে। তবে, যেসব ঋণ/বিনিয়োগ হিসাবের মাসিক কিস্তি (EMI) নির্ধারিত রয়েছে বা মেয়াদপূর্তি/সমস্বয়ের তারিখ জুন, ২০২১ এর পূর্বে নির্ধারিত রয়েছে সেসব ক্ষেত্রে উক্ত সুদ/মুনাফা ব্যাংকার-গ্রাহক সম্পর্কের ভিত্তিতে আদায় করা যাবে।

(ঙ) চলমান ঋণ/বিনিয়োগ হিসাবের ক্ষেত্রে মওকুফ অবশিষ্ট আদায়যোগ্য সুদ/মুনাফা অনুমোদিত সীমিতরিজ্ঞ লিমিট হিসেবে গণ্য হবে। এক্ষেত্রে ব্যাংকার-গ্রাহক সম্পর্কের ভিত্তিতে নবায়নের সময় উক্ত সুদ/মুনাফা সমস্বয় করা যাবে।

(চ) এপ্রিল ও মে ২০২০ মাসের মওকুফ অবশিষ্ট সুদ/মুনাফা আদায়ের নিমিত্তে সুদবিহীন ব্লকড হিসাবে সংরক্ষণ করার পরিবর্তে Interest Receivable A/C বা বিদ্যমান একাউন্টিং স্ট্যান্ডার্ড এর সাথে সামঞ্জস্য রেখে ব্যাংকের নিজস্ব নীতিমালা অনুযায়ী আলাদা হিসাবে সংরক্ষণ করতে হবে। এক্ষেত্রে, উক্ত সুদ/মুনাফার উপর ৩০ জুন ২০২১ তারিখ পর্যন্ত সময়ে কোনভাবেই পুনরায় সুদ/মুনাফা আরোপ/আদায় করা যাবে না।

(ছ) কোন ঋণ/বিনিয়োগের বিপরীতে মওকুফযোগ্য সুদ/মুনাফা ইতোমধ্যে আদায় করা হয়ে থাকলে তা সংশ্লিষ্ট ঋণ/বিনিয়োগ গ্রহিতাকে ফেরত প্রদান/সমস্বয় করতে হবে।

(জ) অনুচ্ছেদ নং-৩(ক) এ বর্ণিত পদ্ধতিতে মওকুফযোগ্য সুদ/মুনাফা হিসাবায়নপূর্বক প্রাপ্তির লক্ষ্যে সংশ্লিষ্ট ব্যাংকের ব্যবস্থাপনা পরিচালক/প্রধান নির্বাহী কর্তৃক স্বাক্ষরিত নির্ধারিত ছক অনুযায়ী (সংযোজনী-ক) আবেদনপত্র বাংলাদেশ ব্যাংকের ব্যাংকিং প্রবিধি ও নীতি বিভাগে আগামী ১৫ জুলাই ২০২০ তারিখের মধ্যে দাখিল করতে হবে। ব্যাংকিং প্রবিধি ও নীতি বিভাগ পরীক্ষান্তে উক্ত প্রাপ্য সুদ/মুনাফা একাউন্টস এন্ড বাজেটিং ডিপার্টমেন্ট এর মাধ্যমে বাংলাদেশ ব্যাংকের মতিবিল অফিসের সাথে রক্ষিত সংশ্লিষ্ট ব্যাংকের চলতি হিসাবে জমা প্রদানপূর্বক যথাযথভাবে অবহিত করবে।

(ঝ) সংশ্লিষ্ট ব্যাংক তাদের প্রাপ্য সুদ/মুনাফা ভর্তুকির পরিমাণ বাংলাদেশ ব্যাংক হতে নিশ্চিত হওয়ার পর গ্রাহক পর্যায়ে সুদ/মুনাফা মওকুফ কার্যকর করবে।

(ঞ) ভবিষ্যতে পরিদর্শন/নিরীক্ষার সুবিধার্থে এতদসংক্রান্ত নথি/কাগজপত্র উক্ত সুদ/মুনাফা ভর্তুকি প্রাপ্তির পর অন্যান্য ০২ (দুই) বছর যথাযথভাবে সংরক্ষণ করতে হবে।

(ট) অনুচ্ছেদ নং-৩(ক) হতে ৩(ঞ) এ বর্ণিত নির্দেশনা ক্রেডিট কার্ড এবং অফসোর ব্যাংকিং ইউনিট ও এডি শাখা হতে বৈদেশিক মুদ্রায় প্রদত্ত ঋণ/বিনিয়োগের ক্ষেত্রে প্রযোজ্য হবে না। উক্ত ঋণ/বিনিয়োগের উপর এপ্রিল ও মে ২০২০ মাসে আরোপিত সুদ/মুনাফা বিদ্যমান নীতিমালা অনুযায়ী আয়খাতে স্থানান্তর ও আদায় করা যাবে।

এ নির্দেশনা অবিলম্বে কার্যকর হবে।

ব্যাংক কোম্পানী আইন, ১৯৯১ এর ৪৫ ধারায় প্রদত্ত ক্ষমতাবলে এ নির্দেশনা জারি করা হল।

আপনাদের বিশ্বস্ত,



(মোঃ নজরুল ইসলাম)

মহাব্যবস্থাপক

ফোনঃ ৯৫৩০২৫২

সূত্র:

তারিখ:

মহাব্যবস্থাপক
ব্যাংকিং প্রবিধি ও নীতি বিভাগ
বাংলাদেশ ব্যাংক
প্রধান কার্যালয়, ঢাকা।

প্রিয় মহোদয়,

বিষয় : বিআরপিডি সার্কুলার নং-১২/২০২০ এর আওতায় এপ্রিল ও মে ২০২০ মাসের সুদ/মুনাফা বাবদ ভর্তুকী প্রদান প্রসঙ্গে।

শিরোনামোক্ত বিষয়ে ১০ জুন ২০২০ তারিখে জারিকৃত বিআরপিডি সার্কুলার নং-১২ এর প্রতি আপনাদের দৃষ্টি আকর্ষণপূর্বক জানানো যাচ্ছে যে, উক্ত সার্কুলারে বর্ণিত নীতিমালার অনুযায়ী অত্র ব্যাংকের ৩১ মার্চ ২০২০ তারিখ ভিত্তিক ঋণ/বিনিয়োগের উপর এপ্রিল ও মে ২০২০ মাসের জন্য গ্রাহক পর্যায়ে মওকুফযোগ্য সুদ/মুনাফার পরিমাণ মোট -----/(কথায় -----) টাকা নির্ণীত হয়েছে। এতদসংক্রান্ত তথ্যাদি আপনাদের অবগতি ও প্রয়োজনীয় ব্যবস্থা গ্রহণের নিমিত্তে নিম্নে উল্লেখ করা হলো :

(টাকার অংকে)

গ্রাহক পর্যায়ে ঋণ/বিনিয়োগ স্থিতি (৩১ মার্চ ২০২০ তারিখ ভিত্তিক)	৩১ মার্চ ২০২০ তারিখ ভিত্তিক ঋণ/বিনিয়োগ সংক্রান্ত তথ্যাদি		এপ্রিল ও মে ২০২০ মাসের সুদ/মুনাফা মওকুফ সংক্রান্ত তথ্যাদি		
	ঋণগ্রহীতার সংখ্যা	ঋণ/বিনিয়োগের পরিমাণ	মোট সুদ/মুনাফা	মওকুফের হার	মওকুফকৃত সুদ/মুনাফার পরিমাণ
ক) ১.০০ (এক) লক্ষ টাকা পর্যন্ত					
খ) ১.০০ (এক) লক্ষ টাকার অধিক কিন্তু ১০.০০ (দশ) লক্ষ টাকা পর্যন্ত					
গ) ১০.০০ (দশ) লক্ষ টাকার উর্ধ্বে					
ঘ) উপমোট (ক+খ+গ+ ----)					
ঙ) ক্রেডিট কার্ডের বিপরীতে প্রদত্ত ঋণ/বিনিয়োগ					
চ) অফসোর ইউনিটের আওতায় প্রদত্ত ঋণ/বিনিয়োগ					
ছ) এডি শাখা হতে বৈদেশিক মুদ্রায় প্রদত্ত ঋণ					
জ) উপমোট (ঘ+ঙ+চ+ছ)					
ঝ) শ্রেণীকৃত ঋণ/বিনিয়োগের পরিমাণ					
ঞ) মোট ঋণ/বিনিয়োগ(জ+ঝ)*					

* মোট ঋণ/বিনিয়োগের পরিমাণ আবশ্যিকভাবে ৩১ মার্চ ২০২০ তারিখ ভিত্তিক স্টেটমেন্ট অফ অ্যাসেটস এবং সিএল বিবরণীর সাথে মিল থাকতে হবে।

এ মর্মে প্রত্যয়ন করা যাচ্ছে যে, অত্র ব্যাংক কর্তৃক বিআরপিডি সার্কুলার নং-০৩/২০২০ অনুযায়ী ১ এপ্রিল ২০২০ তারিখ হতে ঋণ/বিনিয়োগের ওপর সর্বোচ্চ ৯% সুদ/মুনাফার হার কার্যকর করা হয়েছে এবং উল্লিখিত সুদ/মুনাফা হিসাবায়নে ঋণ/বিনিয়োগের উপর সর্বোচ্চ ৯% সুদ/মুনাফার হার বিবেচনা করা হয়েছে। এ মর্মে আরো প্রত্যয়ন করা যাচ্ছে যে, উক্ত আবেদনে বর্ণিত মওকুফযোগ্য সুদ/মুনাফার হিসাবায়নসহ সকল তথ্য সঠিক এবং ভবিষ্যতে উল্লিখিত তথ্যের মধ্যে কোনো অসামঞ্জস্যতা বা ভুল পাওয়া গেলে আমরা দায়ী থাকব। বাংলাদেশ ব্যাংক হতে সুদ/মুনাফা ভর্তুকির পরিমাণ নিশ্চিত হওয়ার পর গ্রাহক পর্যায়ে সুদ/মুনাফা ভর্তুকী প্রদান করা হবে।

এক্ষণে, সার্কুলারে বর্ণিত নীতিমালা অনুযায়ী নির্ণীত মওকুফযোগ্য সুদ/মুনাফা বাবদ মোট ----- (কথায় -----) টাকা ভর্তুকী হিসেবে প্রদানের জন্য আপনাদের নিকট আবেদন করা হলো।

আপনাদের বিশ্বস্ত,

স্বাক্ষর:

নাম:

পদবী: ব্যবস্থাপনা পরিচালক/প্রধান নির্বাহী/বিদেশী ব্যাংকের
ক্ষেত্রে বাংলাদেশ অপারেশনের প্রধান

ফোন নং:

হিসাবায়ন সংক্রান্ত বিষয়ে যে কোন যোগাযোগের জন্য

দায়িত্বপ্রাপ্ত কর্মকর্তার নাম:

পদবী: -----অফিস ফোন নং:-----, মোবাইল ফোন নং:-----, ই-মেইল: